

Imeruersaatit kajumilersaatit aamma energidrikketut taaneqartartut meeqqanit 12-it ataallugit ukiulinnut pisiarineqarsinnaanerisa inerteqqutaalernissaat inatsisiliuuteqqullugu Naalakkersuisut peqquneqarnissaannik inatsisartut aalajangiiffigisassaattut siunnersuut.

(Inatsisartunut ilaasortaq Malik Berthelsen, Siumut)

Akissuteqaat

(Peqqinnissamut Naalakkersuisoq, Agathe Fountain)

Aappassaaneerinninneq

Siunnersuut siullermeerinnereernerup kingorna Peqqissutsimut Ataatsimiititaliamit suliarineqarpoq. Ataatsimiititaliap suliarinninnermini imeruersaatit kajumilersaatinut tunngatillugu paasissutissat tamaasa sukumiisumik nassuiarsimavai. Ataatsimiititaliap sukumiisumik sulisimanera qujassutigaa.

Naalakkersuisut isumaqartuarsinnarput meerartatta inuusuttortattalu illersorneqarnissaat immikkut pisussaaffigigipput aammali taamatut pisussaaffeqarneq angajoqqaat meeqqaminnik namminneq akisussaaffeqarnerisa nukittorsarnissaannut sammitinneqartariaqartoq. Ilutigalugu meeqqanik illersuiniarnermik suliniutit peqqinnissaq, isumaginninneq kultureqarnerlu eqqarsaatigalugit meeqqanut pissarsiffiunerpaasinnaasunut sammitinneqartariaqarput.

Imeruersaatit kajumilersaatit pillugit inimi Peqqissutsimullu Ataatsimiititaliami oqallinnerit takutippaat qinikkat akornanni isiginninnitsinnik nalilersueriaaserput assiginnigitsorujussuusoq. Tamanna aamma inissaqartariaqarpoq. Taamaattumik Peqqissutsimut

Aataatsimiititaliap siunnersuutip itigartinneqarnissaanut taarsiullugulu allannguutissatut siunnersuusiortoqarnissaannik inassuteqarnissamik isumaqatigiissuteqarsinnaanera nuannaarutigaa.

Naalakkersuisut inassutigaat siunnersuut itigartitsissutigineqassasoq.

Taarsiullugu Naalakkersuisut inassugaat Peqqissutsimut Ataatsimiititaliap allannguutissatut siunnersuutaa: imeruersaatit kajumilersaatit meeqqanit 18-it ataallugit ukiulinnut pisiarineqarsinnaanerisa inerteqqutaalernissaat inatsisiliuuteqqullugu Naalakkersuisut peqquneqarnissaannik inatsisartut aalajangiiffigisassaattut siunnersuut.

